

41. SMOTRA
DJEČJEGA KAJKAVSKOG PJESNIŠTVA
“DRAGUTIN DOMJANIĆ”
– SV. IVAN ZELINA 2021.

*Na krilima
senji...*

Mala biblioteka „Dragutin Domjanić” (108. knjiga)

Nakladnik

Pučko otvoreno učilište Sv. Ivan Zelina

Za nakladnika

Vesna Bičak-Dananić

Urednik

dr. sc. Ivo Kalinski

Naslov zbirke

prema naslovu pjesme „Na krilima senji...” Emilije Horžić

Omot zbirke

prema likovnom prilogu Julije Vinceković

Likovni sadržaj

učenici osnovnih škola sudionica Smotre

Stručni suradnik u odabiru likovnih sadržaja Smotre

Mateja Majcen

Dizajn i grafička priprema

PHOTODESIGN, v.l. Zoran Osrečak

Tisk


Tiskara Zelina d. d., Sv. Ivan Zelina

Tiskano u 300 primjeraka

ISBN 978-953-6540-94-5

CIP zapis je dostupan u računalnome katalogu Nacionalne i sveučilišne knjižnice u Zagrebu pod brojem 001115835.

Knjiga je objavljena uz potporu
Ministarstva kulture i medija RH
u Godini čitanja.



**GODINA
ČITANJA
2021**

41. SMOTRA
DJEĆJEGA KAJKAVSKOG PJESNIŠTVA
“DRAGUTIN DOMJANIĆ”
– SV. IVAN ZELINA 2021.

*Na krilima
senji...*



Na poziv Pučkog otvorenog učilišta Sv. Ivan Zelina za sudjelovanje na 41. Smotri dječjega kajkavskog pjesništva „Dragutin Domjanić“ - Sv. Ivan Zelina 2021. odazvala se 61 osnovna škola s ukupno 320 učeničkih radova.

Ocjjenjivačko povjerenstvo u sastavu dr. sc. Ivo Kalinski (predsjednik), dr. sc. Božica Pažur i Štefica Kamenarić-Filipović, dr. med., odabralo je 74 rada od kojih je 26 predloženo za javnu izvedbu na završnom događanju Smotre 30. listopada 2021. u Svetom Ivanu Zelini.

Riječ urednika

Ivo Kalinski: Andeles na krilima senji

9

Na krilima senji...

Petra Požgaj: Čera, danes, zutra	13
Barbara Zidarić: Da imam	14
Roko Abramović: Božja ovčica	15
Paola Novak: Poskrivečki	16
Leon Kuzma: Curek	17
Gabrijela Flinčec: Recept za ljubav	18
Samuel Žegman: Črljene vusnice	19
Matija Đeri: Nebo	20
Ilija Pintarić: Medeki	21
Mia Šafarić: Nora hiža	22
Marta Heroić: Gorica	23
Leo Rešetar: Muteje	24
Mihaela Malnar: Deš	25
Lucas Vrančić: Snejg pada	26
Klara Juranić: Kaj je...	27
Larisa Legčević: Stare su vure polahko odtukle	28
Luči Kušić: Korona	29
Leon Bišćan: Reči	30
Matea Valjavec: Mamek	31
Domagoj Krznar: Poljoprivreda	32
Jakov Ivanuša: Deda velikog srca	33
Andrija Đurkin: Oblok	34
Antonio Čamić: Oduzeta sloboda	36
Kora Ratkajec Pošta: Ja bi štela	37
Buga Habajec: Moja babica	39
Paola Markovčić: Dan je pr kraje	40
Kiara Žagar: Ževalska puosla	41
Antonia Tubić: Vesela vučitelka	42
Luka Hećimović: Penezi	43

Kazalo

Vedran Vragović: Hiža	44
Ana Šimunaci: Andelek	45
Andrej Ključar: Leto	46
Ana Zidarić: Vreme	47
Aleksandar Šakanović: Sviča	48
Tina Petrinšak: Klančanski inat	49
Ana Severin: Pajcek	50
Greta Zamuda: Govorim po naši	51
Vito Ljubaj: Dež	52
Mateo Troha: Šuma mojiga sela	53
Gabriela Miklošić: Štiela bi popievkicu napisati	54
Mihael Ramljak: Metulček	56
Borna Samohod: Ščera	57
Leonardo Paulin: Zavičaj	58
Laura Lončar: Štruklji	59
Sara Lovras: Kiša	60
Mateo Masnec: Uputstva za brotvo	61
Tea Kušec: Čižme	62
Viktorija Hubina: V mojem selu	63
Jana Blagec: V zagorske huste	64
Ana Šoštarić: Kumaj čakan lejtu	65
Lovro Tinodi: Škrlak	66
Petar Trcak: Črni maček	69
Emilija Horžić: Na krilima senji...	70
Lucija Jakopović: Korona bontonček	72
Gabrijel Pugar: Kaj je TO?	73
Paola Andrašek: Božični senji	74
Tea Fruk: Pravda v mojoj hiži	75
Hana Juričić: Moja mati	76
Valentina Horvat: Leto	77
Hrvoje Ivančić: Vreme, vreme...	78
Juraj Trumbetašić: Srce mi luplje	80
Sabina Flegar: Hiža na briegu	81

Kazalo

Paula Novoselec: Dravski šepet	82
Sara Minđek: Tišina	83
Anamarija Kožić: Kaj da ti velim	84
Gabriela Strelar: Zakaj?	85
Lovro Erdelji: Posponi zdenec	87
Matej Ciganek: Saki den	89
Lana Ravenščak: V leti je najlepše	90
Ella Lešnjak: Pod orehom	91
Anja Hrestak: Kok su se negdar babica i dedek prali	92
Luka Turniški: Kovid	93
Andrea Žnidarec: Dež	94
Ines Budek: Je li kesne	95
Kazalo autora likovnih priloga u zbirci	96
Osnovne škole koje su sudjelovale na natječaju	98

Napomena: Pjesme u zborniku poredane su prema redoslijedu zaprimanja.

Anđelek na krilima senji

Na natječaj za 41. pjesnički recital naših osnovnoškolaraca kajkavskoga govornog područja, tzv. Mali kaj, pristiglo je tri stotine i dvadeset radova. To i nije osobito iznenadenje. Iznenadenje je nešto drugo. Osim već etabliranih središnjih, matičnih škola, s dugogodišnjim „stažem“ pojavljivanja učenika na dosadašnjim recitalnim manifestacijama naših najmlađih osnovnoškolskih kajkavaca, posebno raduje činjenica da se ove godine osobito pojavio znatan broj učenika područnih škola, u nekih iznenadjuće znatan broj. Ostaje mi ih nabrojiti. Tako uz matičnu školu „Petar Zrinski“ Šenkovec, iz PŠ Mačkovec pojавilo se osmero najmlađih, onih drugog razreda osnovne škole. Iz PŠ Adamovec OŠ Ivana Grande četvero najmlađih prvog razreda. Od naših „starih“ sudionika iz Gorskog kotara, pod matičnom školom Čabar javilo se više područnih škola s desetak sudionika, tako PŠ Tršće, PŠ Gerovo, PŠ Plešće. Pod matičnom školom Dragutina Domjanića Sveti Ivan Zelina dvije su područne škole: PŠ Komin i PŠ Prepolno. Uz matičnu školu Ksavera Šandora Đalskog PŠ Nespeš; uz matičnu školu Ivana Kukuljevića Sakcinskog dolazi nam PŠ Tina Ujevića Salinovec; uz matičnu školu Ljubo Babić dolazi nam PŠ Desinec; uz matičnu školu Gola dolazi PŠ Otočka; uz matičnu školu Antuna Mihanovića PŠ Lučelnica. Doista zavidan broj! Naglasiti je da se mahom radi o najmlađem đačkom uzrastu. Naglasiti je također da se upravo u najmlađih ogleda najiskreniji, najjednostavniji i najspontaniji pjesnički izraz. Tomu svakako pridonose svojim marom njihovi voditelji u tim specifičnim izvannastavnim aktivnostima, ali svakako i sami đaci/autori još uvjek vezani uz netaknuti zavičajni govor svojih baka i djedova, majki i očeva. Zašto spominjem područne škole i njihove najmlađe sudionike? Zato što mislim da su oni pravi ulog za buduća recitalna događanja. Tu je s obzirom na to posebno dirljiva pjesmica o duhovnom biću, o dražesnom posredništvu između ljudi i Boga, o anđelu: *Anđelek z menu spi/jutro me zbudi,/ školu me prati./Kad se vučim/ on stoji*

*pred vrati, dimom me vrne./ Kad se igram/ on me gledi,/ a zadaču
če pisati/ mati kad se s posla vrne* (Ana Šimunaci, 2r. PŠ Komin).

To ipak ne znači da su učenici starijih godišta u svojim pjesničkim nastojanjima eliminirani, oni su samo više racionalizirani, premda naglašeno emotivni i počesto skloni gradiranju svojih razmišljanja: *Čera, denes, zutra* (Petra Požgaj, 7 r. OŠ Gola). Takva će životna simbolika biti i u opisu izvora potoka po imenu *Curek*: *Curek teče još i denes,.../ ali jako je slab, već jedva teče.../Mortik je betežen kak i moja prababica...* (Leon Kuzma, 3 r. OŠ Gornji Mihaljevec). Krajnja emotivna privrženost s himničnom jednostavnosti spram voljenog bića (*Mamek*) već je i naslovom naznačena deminutivom, deminutivom naglašene dragosti: *Trudna, črelena./Diela, muči, trpi./Svetleča zvezda h kmice - Andelek./Kerhka, fajna./Grli, kušuje, strahuje./Okeca tvoja sončeka sjaj - Gombek* (Matea Valjavec, 6r. OŠ Sveti Križ Začretje).

Uz ona opća zapažanja u neposrednosti (leto, hiža, dešč, vreme, pajcek, šuma, metulček, itd.) iznose se i misli o pandemiji, o koronovirusu (*Korona bontonček*).

Čak je i u toj najmlađoj dobi *neizbjježan osjećaj ljubavi*, doduše naivno sročena slika: *črljene vusnice* (Samuel Žegman, 1r. OŠ Ivana Grandje Soblinec), nerijetko s recepturom i zazivanjem *sreće* (*Recept za ljubav*), treba dakle uz osjećaj, ma kako predan bio, imati i sreće (Gabrijela Flinčec, 6 r. OŠ Gornji Mihaljevec).

Nije čudo da u golemom leksičkom području kajkavštine naši osnovnoškolarci uz pomoć svojih vrijednih voditelja i dalje pronalaze sve nove i nove tematske narative i stilske, čak i satirično-ironične vizualne i mislene slike. Svjedokom ispravnog stvaralačkog puta svakako je njegovo trajanje: četrdeset i jedna godina neprekinitoga recitalnog događanja!

Ivo Kalinski

*Na krilima
senji...*

Petra Požgaj
7. razred, OŠ Gola
Voditeljica: Valentina Jakubin Horvat

Čera, denes, zutra

Čera se nekaj strašnoga dogodilo,
Sonc je vetra v koprive hitilo!
Veter se na koprive opekel,
Se ga je peklo, neje niš ni rekel!

Denes se o tomu pripovedalo,
Kak je Sonce zločesto postal!
Rano se neje štelo ni pojaviti,
Od srama se iza oblaka moralо skriti!

Zutra bo več celo selo znalo,
Da je Sonce zločesto postal,
Da se veter na koprive opekel
I saki čovek bo to svojemu susedu rekел!

Barbara Zidarić

4. razred, OŠ Sidonije Rubido Erdödy, Gornja Rijeka, PŠ Kolarec
Voditeljica: Dušanka Kos

Da imam

Da imam čarobnu botu
koronu bi oterala,
se gladne naranila...

Da imam čarobni škrlak,
zgledel bi smešne,
al' bi pomogel sem siromahom,
koje bi naranila, oblekla
i toplu hižu zgradila.

Da imam čarobne seme cveta,
sadila bi ga sikud po celom svetu,
da veseli se ljude i su decu.

Da imam tuliku snagu i moč,
radost i zdravlje, delila bi sem
onem koji su stradali v potresu
i koji su bili betežni od korone.

Da imam čarobne moći,
kaj bi ja se za ovaj lepi naš planet
činila, a i za celi svet.

Roko Abramović
2. razred, OŠ “Petar Zrinski”, Šenkovec, PŠ Mačkovec
Voditeljica: Senka Saško

Božja ovčica

Jenoga dneva
sam spazil božjo ovčico.
Bila je na obloko.
Prebrojil sem točkice.
Imela ih je osem.

Za čas je z roke odletela
i ne znam kaj mi je poželeta.

Paola Novak

2. razred, OŠ “Petar Zrinski”, Šenkovec, PŠ Mačkovec

Voditeljica: Senka Saško

Poskrivečki

Dok se v školi
pod odmorom igramo
jeden dečec pucke
navek za lasi navloči
i nogo povedle.
Ne bremo otkriti
štero od nas zapraf gledi
i rad ima.
A jo bi štela
da sam to JO.
(mislim si da mu se dopodam)
Jer ljubav je draga.
Ljubav je slatka.
Ljubav je mala
ali je krotka.
Ona navek nastone
dok se dvo srčeka spoje.

Leon Kuzma
3. razred, OŠ Gornji Mihaljevec
Voditeljica: Silvija Soldat

Curek

V jedni šumi ne dalko od moje hiže
zvira zdena voda po imenu Curek.
Prababica mi govorila da je to njen život,
da je tu vodu pila i saku jutro se hmila.

Rekla je da je vodu za brata i sestru nosila,
i još čuda pot mami za kruh nanosila.
Rekla je dok je krava teliča podojila,
sa se ostala morha tam napojila.

Curek teče još i danes,
joko je zdeni, bister
ali jako je slab, već jedva teče...
Mortik je betežen kak i moja prababica...
Mortik pa je na kraju življjenja jer ga već nišći trošiti neće...

Gabrijela Flinčec

6. razred, OŠ Gornji Mihaljevec
Voditeljica: Lidija Novak Levatić

Recept za ljubav

Recepta za ljubav bi trebalo znati
i kak svoje srce simpatiji dati...
ali treba ti sam jena deka sreče
rom unda dok nišči te neče.
I kaplica tuge da ti leži bode.
Da bomo jakši, dve - tri reči se nude...
Ne dve, tri, več petnajst ti je treba
dok rad imaš nekoga tijam do neba!
Za jega unda naproviš vse,
primiš ga za roko i nasmeješ mu se.
Celi svet je v tej deki sreče
dok okoli srca ta deka se kreče.
Ta deka je i moje srčece zela!
Z razreda sam se v jen'ga dečkera
kak icika zagledala!

Samuel Žegman

1. razred, OŠ Ivana Grandje, Soblinec, PŠ Adamovec
Voditeljica: Ankica Dmejhal

Črljene vusnice

Stalne mi se smeje.
Okicami trepče,
a tek kak same ljepe diši!

Diši ko najlepši cvet
u vrtu moje mati.
Saki dan oko mene
ona se migolji.

Meni obrazi nam se zažare
i srce nabijat počne.
Pak i ona mene se dopada
ta lepa deklica
sa vusnicama črljenim
koje bi štel kušnuti rad
al još me sram.



Ilustracija: Ena Karabojev

Matija Đeri

7. razred, OŠ "Petar Zrinski", Šenkovec

Voditeljica: Marijeta Stevanović

Nebo

Čim otprem oči,
črez oblok ga vidim.

Lepo, povo.

Na njemu se kak deca
igraju beli oblaci.
Celi den nas gledi.

Sunce se po njemu sonče,
z jedne strone na drugu.

A na kraju dneva,
da bi se pomalem moralo kmičiti
i na počinek iti,
naše se nebo vužge, zažari, začrleni.

I da me ve nešči pita
da mi je lepše,
v jutro povo ili vu večer žareču -
kaj nek mu povem?



Ilustracija: Dina Borček

Ilija Pintarić
2. razred, OŠ “Petar Zrinski”, Šenkovec
Voditeljica: Radojka Oreški

Medeki

Moja sestra i ja najrajši se z medekima igramo.
Z njima saki den v drugi svet putuvlemo.
Dok nas mama zove opče ju ne čujemo.
Ona ne zna da se mi rom onda na cugu vozimo
ili na Ivanščicu plazimo.
Negda nam pomažeju i zadaču pisati.
Tata veli da z njima ne smemo poda brisati.
Z nami i k baki ideju
i tam se z dedijom zideju.
Negda jih treba pokrpati,
a tu baka mora glavna biti.
Navečer se si skupa v postelji pokrijemo,
puse podelimo i slatko zaspimo.
Medeke sejamo i dale se igramo.

Mia Šafarić

2. razred, OŠ "Petar Zrinski", Šenkovec

Voditeljica: Vesna Golub

Nora hiža

Dežđ curi.

Deca se po hiži skrivačkajo
i mačke navlačijo.

Mački skačejo i civilijo.

Mačka Mica mi je cukore fkrola i pojela.

Drugi maček je baki teglina prehitil.

Baka je kričati počela i
mačka vun stirala.

Nora hiža!

Ali...maček se vrnul,
zemlju se posud zdrbal,
a deda je zapraf ponorel.

Na se zadnje
sestrična je z pesom došla.
Več morete zamisliti, ne?
Pes ja lajal, mački su civilili,
baka i deda su kričali...
Pri nas vam je tak saki den.
Velim vam – nora hiža.

Marta Heroić
7. razred, OŠ Krunoslava Kutena, PŠ Rakovec
Voditeljica: Ljiljana Bušić

Gorica

V prletije rane v gorici je pune posla,
da bi v jesene bile finega mošta.

Cele lete težaki se v gorica mučiju,
pak si počinu i male popiju.

Dok v jesene motike zvoniju,
mali se grozdi suncu veseliju.

Leo Rešetar

6. razred, OŠ Ivana Perkovca, Šenkovec

Voditeljica: Natalija Dujaković

Muteje

Muteje vam je prava stvar
od ranoga ditinjstva
pak do vrimena
kada čovik postane star.

Mutiti se moreš sam,
al još je bole kad si najdeš par.

Saka stvar za mutit se da,
samo če se zmislit znaš.

Najbolše je mutit se vani.
Z biciklinum po cisti se vozit,
h susedof trnac se nekomu skrit,
za loptum na igrališču bežat
z pračkum h metu gađat.

Se u semu - mutitt se da sikak!



Ilustracija: Jana Novak

Mihaela Malnar

5. razred, OŠ “Petar Zrinski”, Čabar, PŠ Tršće

Voditeljica: Ingrid Žorž

Deš

Deš pljušti.

Pljus-pljus-pljus!

Pljus-pljus!

Vena je huadnu.

Br-br-br!

Br-br!

Gazen lokve.

Buć-buć-buć!

Buć-buć!

Nagi so me mokre.

Uf-uf-uf!

Uf-uf!

Vejter grane njiha.

Fiju-fiju!

Ju!

Zajc damu dirja.

Hiju-hiju!

Ju!

Listje v šume šušti.

Šuš-šuš-šuš!

Šuš-šuš!

Rušce v vrte cvetejo...

Oho-oho!

Ho!

Lepe rušce bumо jemejle!

Juhu-juhu!


Hu!

Lucas Vrančić

5. razred, OŠ "Petar Zrinski", Čabar, PŠ Tršće

Voditeljica: Ingrid Žorž

Snejg pada



Klara Juranić
7. razred, OŠ Krapinske Toplice
Voditeljica: Mira Korbar

Kaj je...

Kaj je cukor na mojem jeziku,
kaj je popevka vu mojem vuhu,
kaj je suza pod mojim okom,
kaj je sreča na mojem obrazu.
Kaj je žulj na vrednih rukami,
kaj je fletnost vu trudnim nogami,
kaj je gizdavost vu čistem srcu,
kaj je poštenje v trudnoj duši.

Larisa Legčević

7. razred, OŠ Krapinske Toplice
Voditeljica: Mira Korbar

Stare su vure polahko odtukle

Cajti su prešli,
dnevi bežiju,
same se posmekneju
kak da se žuriju.

Kam pa idu vsi ti cajti?
Kam bežiju,
kam im se žuri?
Jer vrnulo se nigdar nebu
življenje tero se zgubi.

Želim si mati moja mila
da bi cajgere zastanovila,
da ih vrneš h vreme
dok sam mala bila
i h vrtiču snila.

Skri me nutra mati
da opet mirno spim,
da ovo vreme
ne gledim.

Luči Kušić

8. razred, OŠ Milana Langa, Bregana
Voditeljica: Valentina Mahović

Korona

Kaj bu bilo više normalne te škole?
Kaj bu kraha te lude korone?
Nemrem više na online it!
Saki dan me od tog glava prehit.
Saki dan brojke gor, brojke dol
Maske sim, maske tam
Ruke prati stoput na dan
Mortik se bumо od korone razboleli,
Al ziher bumо si od nje ponoreli!



Ilustracija: Ida Jelušić

Leon Bišćan

8. razred, OŠ Milana Langa, Bregana

Voditeljica: Valentina Mahović

Reči

Reči ti meni
kak mi samo ti
reči znaš.

Jer sam reči tvoje
ja bum poslušal,
sam njih ja znam.

Mogu reči i ja
Tebi kaj, al znam
da ti me ne poslušaš.

Reči mi samo da
znaš da ja morem
kak i ti meni nekaj reči.

Matea Valjavec
6. razred, OŠ Sveti Križ Začretje
Voditeljica: Monika Šalec

Mamek

Trudna, črlena.
Diela, muči, trpi.
Svetleča zvjezda h kmice-
Andželek.

Kerhka, fajna.
Grli, kušuje, strahuje.
Okeca tvoja sončeka sjaj-
Gombek.

Domagoj Krznar

6. razred, OŠ Sveti Križ Začretje

Voditeljica: Monika Šalec

Poljoprivreda

Dedek vozi traktora,
babica stoji na kola
ideju po kuruzu
svora im pukla.

Babica kupi kuruznicu
za cekare da ih splete,
dedek lupi i peč hajca
kuhal bu rakiju.

Večer je opala.
Pospravilji su se na sušu.
Noć!



Ilustracija: Dunja Potočić

Jakov Ivanuša
6. razred, OŠ Ludbreg
Voditeljica: Ljudmila Kladić

Deda velikog srca

Joko stori,
a pok, tak, mlodi.
Čak i dok ga boli,
ne žali se i nigdor ne sedi.
Jedino sedi na čeki
kak jastreb.
Lovec od kak zna za sebe.
Skrivle velko srce
kak planina.
Saki den na čeki visi,
al nigdor ništ ne vlovi!

Andrija Đurkin

1. razred, OŠ Domašinec, PŠ Florijana Andrašeca, Dekanovec
Voditeljica: Tatjana Pintarić

Oblok

Saka ga hiža ima
i ž njim se jako štima.
Imam ga na sobi i ja,
očem reči, imam jih dvo!
Denes sam se rano stal,
idem se vučit
kaj bum bole znal.
Poglednem črez oblok vun,
kraj obloka zeleni je bor,
a na boru ftičica mala
štera me tožno gledala.
Poglednem išče jamput
črez oblok
i ftičici velim:
Nikaj se ne boj!
Ja si sam malo
črez oblok gledim,
tuliko kaj se mačko bole razbudim.



Ilustracija: Tena Jančec

Antonio Čamić

5. razred, OŠ Novi Marof

Voditeljica: Sunčica Križan-Kadi

Oduzeta sloboda

Nešte je jahal oko moje hiže na lisice
nešte je perinul lukave šape v moje čizmice
i popeval pesmu šterna se nagle dizala
z zelene gorice ko da je odgmizala.

Ljudi zapiraju vrata.
Tuga njihovih lica već zdavnja je rasprodata.
Za njihovu slobodu niše ne bu platil ni pare
ona je besplatna – kak i staro jare.

Dali sme vjutre bielega kokota dedu,
a nisu bile njegove gosti
jer duge se posti
z krvavi očmi sme več na sedmem nebū.

Si sme nervozni.
Tanjeri su se bolje prazni.
I same si sprebavleme čelo
da nas ne bi korona oblekla v črno odelo.

Kora Ratkajec Pošta
6. razred, OŠ Sveti Đurđ
Voditeljica: Elena Kovačić

Ja bi štela

Ja bi štela
kaj bi vsa deca
na ovome svetu
jesti kaj mela.
Onda bi im se
mesto toge i gladi
veselje i sitost
po glavi vrteli.
I vučiti bi se, morti,
onda šteli.

Ja bi štela
da su vsi ljudi
zdravi,
i mali i stari.
Onda bi im se
mesto brige i boli
lepe misli i zadovoljstvo
po glavi vrteli.
I drugom bi, morti,
pomoći šteli.

Ja bi štela
da brat brata
prime koli vrata.
Onda bi bilo bole
na ovom svetu,
sreča i mir
po glavi bi se vrteli
mesto rata.

Kak se meni vidi,
ja bi štela
vse dobro za ovog sveta.
Štela bi biti
mali ficlek dobrote
ovog planeta.



Ilustracija: Lara Borović

Buga Habajec
2. razred, OŠ Bedekovčina
Voditeljica: Jadranka Krušelj

Moja babica

Moja babica vse zna.
H vrtu saditi,
na šivaču mašinu pune toga zašiti.

Hižu zna čistiti,
pune finoga zna skuhati.

Zna se i po engleski spominati
i jake lijepe zrihtati.

Zna ona kak zajec za Vuzem
jajca skriti.

Ja bi štela kak moja
babica biti.

Paola Markovčić

7. razred, OŠ "Petar Zrinski", Čabar

Voditeljica: Marina Hrga-Arh

Dan je pr kraje

Pridon uobvak je sunčke roki na uoči dou,
na mefko travo dožok je pou.

Dan gre v kraje.

Stare crkvine zguonc na turne popejva,
je deco domu zos uasi tera.

Dan gre v kraje.

Nad pječjo suotke blječke se šišijo,
zos trumbe pećjene krumpirčke dešijo.
Še mau, dan gre v kraje.

Samu še kira lučka v šišmen gori,
se so šle spa je počinet do zori.
Dan je zarejs pršiv v kraje.

Ilustracija: Mirna Horvatić



Kiara Žagar
5. razred, OŠ “Petar Zrinski”, Čabar
Voditeljica: Marina Hrga-Arh

Ževalska puosla

Krava muče na puone guas
zak prasce v buoate ješćejo spas.

Uovce v uograje uovijo pure,
a kokuše se zbog tega dure.

Zajce po vrte hitro drčijo,
ko ih druge živali puašejo.

Pas i mačka stalno se nekaj uovijo
dok jen se miše iza vuogla smejajo.

Antonia Tubić

4. razred, OŠ Krunkoslava Kutena, PŠ Banovo

Voditeljica: Nikolina Crnčić

Vesela vučitelka

Vjutro se zbudim i prejdem v školu.

Vučitelka me dočeka vesela

i celom razredu veli:

Denes bumo pisali testa!

Celu vuru vučitelka se smeška.

Vse dok nisme predali testove.

Vučitelki osmeh z lica opal.

Luka Hećimović

3. razred, OŠ Dragutina Tadijanovića, Zagreb

Voditeljica: Tatjana Kukić

Penezi

V živlenju su penezi fest važni.

Penezi su vredna stvar,

Penezi su bogati dar.

Za peneze mama celi mesec

Na posel ide

A tata je za penezima

V Austriju moral otiti.

V živlenju moraš

Sikaj kupiti i se platiti

I za te , dobre peneze imeti.

Čez celi mesec je rastegnuti

Nikak na ludorije potrošiti.

Peneze treba pomalu trošiti

I ak moreš nekaj zašparati.

Ja jake volim peneze

I za saki rođendant dobim lepe peneze.

Fest im se veselim i pomalu trošim

Kak da sem bankar!

Vedran Vragović

1. razred, OŠ Antuna Mihanovića, Klanjec

Voditeljica: Barbara Bogović

Hiža

Drvena hiža čaka ljude.
Same jih čaka i čaka jer
rada jih ima.

Čaka čučke, zajce i drugu živinu
jer i jih rada ima.

Hiža je zelene pofarbania i
po cvetju diši.

Hiža drvena same život senja.
Al ljudi, čučekni ni zajci
več ne buju došli.

Drvena hiža sejeno čaka i čaka...

Ana Šimunaci
2. razred, OŠ Dragutina Domjanića, Sveti Ivan Zelina, PŠ Komin
Voditeljica: Maja Brcković

Andeletek

Andeletek z menom spi
jutro me zbudi,
školu me prati.
Kad se vučim
on stoji pred vrati,
dimom me vrne.
Kad se igram
on me gledi,
a zadaču će pisati
mati kad se s posla vrne.



Ilustracija: Elena Meštrović

Andrej Ključar

4. razred, OŠ Dragutina Domjanića, Sveti Ivan Zelina, PŠ Prepolno
Voditeljica: Ana Poldručić


Leto

V letu se ja morem dobre skupati na moru.
Tam ima pune dece k koju se morem igrati.

V letu nemaš niš bez roštilja.
Kad tatek speče one fine napacane mese,
to je za prste polizati.

V letu kad igrame nogometa
Ja jenomu dečecu zabijem takvoga gola
da me si glediju.

V letu kad spim,
mislim da po plaže letim.



Ilustracija: Petra Šeketa

Ana Zidarić
5. razred, OŠ Visoko
Voditeljica: Valentina Matejak

Vreme

Denes vreme tak leti
da ga nigdar
dosta ni.

Nemreš ga stvarati
niti šparati,
nemreš ga risati
niti pisati.

Loviti ga nemreš,
a furt bejži
i same nam jake fali.

Aleksandar Šakanović

3. razred, OŠ Ante Kovačića, Marija Gorica

Voditeljica: Sara Krivski

Sviča

Na mojem stolu sviča gori,
z je se fest dimi.

Črleni ogorok z je opada,
bojim se da negdo ne strada.

Z vodum sam ju poliju,
da tatek ne bu kričau.
Ogorok sam maknju,
sviču sam zgasnju.

Sat je moja hiža sigurna,
si buju h joj zdravi.
Dok sviču negdo
pak vužgau ne bu.

Tina Petrinšak

7. razred, OŠ Ante Kovačića, Marija Gorica

Voditeljica: Ana Mlinar

Klančanski inat

Tata mi je rodom z Klanjca
pak mama, kat se got svadimo, furt povida da sam prava
Klančanka!

Una tak povida kaj misli da su Klančani
fejst zaribani i premazani zis maščobum,
a jedini moj veliki unfal
je to, kaj ne morem biti tiho
i kaj se fejst rada svadim.

H semu tomu je čudno kaj tata ni malo ni takaf,
dobar je kak kruh i ne svadi se rada!

To točno zgledi kak da ni ot tam.

Ja pak mislim da to ni samo pri meni klančanski inat,
neg je to nikaj malo drugač.

Nigdar nis preveč bila povezana zis Zagorjem,
al imam h sebi tu krf i nekakvu čudnu, trdoglavu naraf.
Na kraju sega, meni ta prišvarak ne smeta,
zapraf, baš mi je dragi, moj klančanski!

Ana Severin

2. razred, OŠ Ksavera Šandora Đalskog, PŠ Nespeš
Voditeljica: Danijela Frljak i Andriana Guštović

Pajcek

Sake jutre pajcek mali
iz svinjca se javi.

Rokće kak ludi
i se prasice budi.

Vreme je za iti jest
i z napujem se nalejati.

Prvi je v kupajne,
a najmršaveši zgledi.

Saki dan vu tem svinjcu
ista pesma.

Greta Zamuda

1. razred, OŠ Tomaša Goričanca, Mala Subotica
Voditeljica: Ljiljana Rinkovec

Govorim po naši

Čim sam počela govoriti
mama me mom po naši vučila.

Ovo je pes, ovo močka,
tu de sediš je stolec,
a pre sosedo kvoče kvočka.

Na vrto rostejo vugurki,
a na poljo kalamper
tam so f koco pajceki
a ono kaj mrzli je frižider.

I tak po naši govorim
i naš jezik je išće živ,
a či me nešći ne razmi...
što mo je kriv?

Ilustracija: Samuel Žegman



Vito Ljubaj

5. razred, OŠ „Ljudevit Gaj“, Krapina

Voditeljica: Jasna Leljak

Dež

Najenkrat, začernele se nebe.

Čujem kak sveti Ilija

Po nebu kamenje katura:

Bum, bumm, trass!

Neje več ftičje popefke.

Drevlje je začele valcera tancati:

Ššššš, ššš, šššš!

Najemput se čule:

Tapa, tapa, tap...

Šnjofam smrad asfalta i gum.

Oblaki su posiveli.

Dež je fejst ubrzal:

Pljup, pljup, pljup...

Nebe je zahuškale:

Hu! Hu! Hu!

Fešta je počela:

Bumm, tras, ššššš, tap, pljup, hu!

Mateo Troha

5. razred, OŠ Rudolfa Strohala, Lokve
Voditeljica: Andreja Marković

Šuma mojiga sela

Lokve so mejheno selo,
ali vavik veselo.

Va proletje so nan šume zelene,
a v jeseni grone žute i crvene.

Pu lete jogenj poljimo
i krompere v njemo pečemo.

Bif sen na Kamenitimo vrhe
pa sen paf i potrugljaf se dule.

Sposila me jena šumska grona,
a vidla me je samo jena črna vrona.

Gabriela Miklošić

7. razred, OŠ Ivana Kukuljevića Sakcinskog, Ivanec, PŠ Tina Ujevića, Salinovec
Voditeljica: Valentina Posavec Kovač

Štiela bi popievkicu napisati

Štiela bi popievkicu napisati
V nje tebe poiskati,
Al nemrem te nikak najti.

De si se skril?
De si nestal?

Na vuletje sam te
Med ruožicami iskala,
Na lastavičinem repu čakala,

De si se skril?
De si nestal?

Leto je došle,
Sieno zadišale,
Mrtuljeku je sončeko farbicu dale.
Med oblakima sam te iskala,
Z ftičekima se stiskala.

De si se skril?
De si nestal?

V jesen z vetrom sam toncalu
Med listejem te iskala,
Z dežđem zaplakala.

De si se skril?
De si nestal?

Unda je snegek pote pokril,
Z brega se pomujne spustil.

Med pahuljama sam te iskala,
Popievkicu k serčeku stiskala.
I some sam močala.

De si se skril?
De si nestal?

Mihael Ramljak

4. razred, OŠ “Petar Zrinski”, Čabar, PŠ Plešce

Voditeljica: Katarina Leš

Metulček

Najlejpje so me una prklejtja
Ko aden metulček me oblejta.
Tu je metulček bejle al pa žute
Ko vesiu zmano tječe pa pute.

Rječejo ledi stari uan sričo nuse
Samu če ga nedu lepu pruse.
Mart se pajdaše maji zaljuble budo
I od ljubavi vse paludjo!

Du vej? Bumo vidle!

Vidu sen i jest na prklejtje beuga metulčka.
Da, rejs je!
Sričo me je prnisu.
Zaljubu sen se i ane punce ružo odnisu.

Borna Samohod

1. razred, OŠ "Ljubo Babić", Jastrebarsko, PŠ Desinec
Voditeljica: Snježana Dugić

Ščera

Ščera dok sam fruštok pekal,
prst sam si na šporet spekal.

Onda sam se legal v lad.
V zelenu travu.
S dedovu škrljaku sam si pokril glavu.

Kaj da nis po noći spal
brže sam zahrkal.



Ilustracija: Niko Žunić

Leonardo Paulin

6. razred, OŠ "Petar Zrinski", Čabar, PŠ Prezid

Voditeljica: Rezika Jašarević

Zavičaj

Te dvej rejke tječejo,
hrib se smeja,
a ruosa se blešći na sunce.

Svi smo srične ko nas šuma rada ima.

Vejtor piha,
sričo nuse.

Kaj be mi bez svajga zavičaja?



Ilustracija: Lana Jakopic

Laura Lončar
5. razred, OŠ Molve
Voditeljica: Marija Halaček

Štruklji

Ranje je.

Pevčec kukuriče, deda gnoja več hiče.
Makar i tiči popevajo,
pospanci još zevajo.
A med njemi sem bormeš i ja!

Bakica z kuhinjke viče
al se pravim da me se ne tiče.
Krmežlje sem skopala,
digla se i na svojo pozicijo stala.

Frtuna sem si zavezala,
kej se ne bom zamazala.
Jaboke naribala i testo zamesila.

Ve bi trebalo malučko pričekati,
testu priliko dati.
Vele da za dobre štruklje treba dara imati!
Ja sem se taktiko vučila
dok ja baka štruklje razvlačila.
I tak meni, odmalena,
te posel ide bez problema.

Razvleći, navleći, nafiljati, namotati.
Ak je kakva rupa, zakrpati. Se z joljem
namazati.
Vu vroči rolj deti i pomalo potikati.

Dojete, ako morete, bo i vam v slast!

Sara Lovras

1. razred, OŠ "Slava Raškaj", Ozalj, PŠ Mali Erjavec
Voditeljica: Nada Peretić

Kiša

Kokot je zakukurikal
i počela je kiša.
Race se veseliju,
a mati se jadi kad je sve blatno.
Cucak je pobegal u svoju hižicu,
a mačak spi i sanja.



Ilustracija: Filipa Naimkadić

Mateo Masnec

3. razred, OŠ Štrigova, PŠ Železna Gora
Voditeljica: Đurđica Hradel

Uputstva za brotvo

Ve dok jemo bomo proučili kaj bomo denes delali:

BERBA GROŽĐA, ILI TI GA BROTVA

1. Trebaju vam škarje i jupolova konta... zato ka v nju zide čuda grozdja!
2. Putari nesmijo čuda jesti, ali moraju piti ka bodu mogli po bregu hoditi.
3. Berači i beračice se moraju najesti ka bodu mogli konte nesti.
4. Dvo moraju brati jen red ka jen reže s jedne strone, a drugi s druge strone.
5. Dok vam je konta puna morate putara pozvati, a ne grozdje nikam nesti ili si ne daj bože sestil!
6. Putari si moraju za saku putu nekaj spiti ka jih puta na rit ne hiti!
7. Po goricama treba teško nesti, do traktora i v prikolicu grozdje stepsti.
8. Dok se grozdje pobere idemo jest, jer onda bomo već lačni fejst.
9. Na stolu bo seee čekalo,... z juhe se već kadi, a i meso fino diši.
10. Dok bomo jeli preša bo tiskala i opče nebo nikoga iskala.
11. Najvažnije od sega: To je posel vreden, pa nišći nesme biti niti lačen niti žeden.

Tea Kušec

2. razred, OŠ Sveti Petar Orehovec, PŠ Fodrovec

Voditeljica: Mirjana Mekovec

Čižme

V čošku stojiju
i oblake furt glediju.
Išle bi u blate,
malo do susede Kate.

Oblake tužne glediju,
tihe se Bogeku moliju.
Nek male dežđa opane
i donese blatne dane.

Viktorija Hubina

1. razred, OŠ Sveti Petar Orebovec, PŠ Bočkovec
Voditeljica: Natalija Kos

V mojem selu

Moje malo selo tu navek stoji
i pune dani broji.
V njemu nigdar ni mir,
jer navek je negde nekakov pir.
Vjutro kravice muču,
a cucki se z dvorov luču.
Tičeki se ni ne čuju
jer traktori stalne bruju.
Saka lesa svoju babu ima,
koja sako jutro friške vesti prima.



Ilustracija: Paula Novoselec

Jana Blagec

4. razred, OŠ Donja Stubica

Voditeljica: Tatjana Benko

V zagorske huste

Dešč se spustil
tiči su vtihnuli
same je veter
po huste tancal.

Digal je lestinu
zibal je kitje -
najemput se zamusikale
fest zagrmele
vrganji su potirali z zemlje van.

Ana Šoštarić

7. razred, OŠ "Petar Zrinski", Čabar, PŠ Gerovo

Voditeljica: Sanja Klarić

Kumaj čakan lejtu

Kuman čakan lejtu.

Sake dan brajin dnive do kraja.

Razmišljan koda bu tu.

Maja mama je huda ko neć ne večen i samu sedin pred televizijo.

Največ mi gre na živce ko sake dan pada doš.

Nemvoren pjt ni ven, a kamoli na bicikl.

Joj, ko se zmislen tok je buo lepu vazet se na bicikle i juret pa cejste!

Falijo mi i pajdaše.

Sake dan smo jegrale rukomet, a i nogomet.

Na šicke se ljuljale i na klackalice se klackale.

Pejsme papejvale i kiro zaplisale.

Falijo mi ti dnivi.

Kumaj ih čakan.

Kumaj čakan da sunce pasvejte i da grin na bicikle an đir.



Ilustracija: Jan Salopek

Lovro Tinodi

3. razred, OŠ Dragutina Domjanića, Sv. Ivan Zelina
Voditeljica: Tanja Domitran

Škrlak

Na klinčanice vu kuhine
saj pohaban i prepiškan
dedov škrlak visi.
Da mi je bar znati,
Kaj si negde misli.
Sigurne o lijepemi dani
Mladosti svoje,
mokremu čelu,
spucane ruka o momentu
kad su bili skupa.
Dok su se klanjali
peharcu sakom i tancali
s pucami veselim korakom,
moj dedek s ljubljenom
i svojijem škrlakom.



Ilustracija: Lukas Marković



Ilustracija: Mara Nikolac

Petar Trcak

4. razred, OŠ Dragutina Domjanića, Sveti Ivan Zelina
Voditeljica: Željka Peraš

Črni maček

Imam jednoga črnoga mačka,
Đurek ga zovem,
zmotan je ko praćka.

V jutre je lijen,
samo leži i spi,
ije i pije,
na soncu se grijie.

Gda se zbudi
kak da strela leti.
Beći i skače,
van iz hiže oče.

Kako god bile
Đureka imam rad.
Moj maček črni
prijatel mi je dragi.

Emilija Horžić

4. razred, OŠ Ljubeščica

Voditeljica: Draženka Leljak

Na krilima senji...

Na mefkom vanjkušu
fletno sem zaspala,
čudaj sem liepoga
cielu noč senjala.

Na krilima senji sem letela
i se brige pozabila.
Mesec i zvezde su mi mahali
i kmični put osvetlivali.

V svoju podrtu hižu
prijej me je jen dedek stari,
bogec za kojega nište,
baš nište ne mari.

Srečna sem tancala
na kraljevskom dvoru,
z ribami se spominala
v glibokom moru.

Na krilima senji sem letela
i veselo cieli sviet gledela.
Da me vura nije zbudila,
v fajnoga dečeca bi se zaljubila.



Ilustracija: Erin Lukač

Lucija Jakopović

2. razred, OŠ Marija Bistrica

Voditeljica: Biserka Ciglenečki

Korona bontonček

Deni masku na ličeke.
Naj petati oči, nuos niti vusnice.
Odmekni se od čuveka dva metre.
Sake male peri rouke.
Zlufte hižu.
Doma boudi, nikam nejdi!

Pazi, tu je za vugličem!
Beži dima!
Stisni se v kouček...
Tu ostani!
Čake da prejde.

Gabrijel Pugar
6. razred, OŠ Marija Bistrica
Voditeljica: Melita Petriš Banovec

Kaj je TO?

Kaj se to v daljine vlieče?
Kaj se to v daljine kreče?
Na polju same glake ostavlja,
Tev vrag za suobu niš ne pospravlja!

Evo, i denes TO vidim, velike je i črne.
Tak je velike da more jesti srne.
Blizu mu nejdem.
Čim ga vidim, splašim se i prejdem.

Jen dan skril sem se iza bora
Same kak bi najempout videl – tvora!
Aaaa, znači TO je smrdele
I pu mojem polju prdele.

Paola Andrašek

6. razred, OŠ Breznički Hum

Voditeljica: Vesna Pucak

Božični senji

Senjam bieli Božič,
biele pahuljice kak curiju z visine,
rasplesane po zraku
kak male balerine.

Curiju po steza, po puti, po cesti,
a neke sedneju i na moje lice.
Zoveju me da plešem ž njimi,
smiejeju mi se, pahulice drobne.
Ja im se divim, srce mi griejeju
dok v mojem selu več svi spiju.

Tea Fruk

4. razred, OŠ Stjepana Radića, Božjakovina
Voditeljica: Jasmina Miler

Pravda v mojoj hiži

V mojoj hiži
Ima više pravdi.
Mama mi deli pravdu
Opraštajuč i grleč z kušlecom!

Tata je v delidbi
strožeši.
Deli ju vičuč.

Sledeču pravdu
deli moja sestra.
Stalno mi zapoveda
A neki put me i zlema.

Pravi su v pravde
baka i deda.
Oni deliju pravdu
po istine.

Moja je pravda najmenša,
najslabeša i najtenša.
Jedva čekam da i ona
postane jaka.

Prav zaprav-prava pravda.

Hana Juričić

7. razred, OŠ Marije Jurić Zagorke, Vrbovec
Voditeljica: Vesna Švarc

Moja mati

V črnoj hiži
moja mati spi.

V črnem lajbeku
kraj peči spi.

Glavo na kolena
spustila i vu deku se
omotala.

Moja mati
v črnoj hiži spil!

Valentina Horvat
4. razred, OŠ Mahično
Voditeljica: Jasmina Štefan

Leto

Kraj je škole i vučiteljica ne more više glediti ludorije moje.
Moje misli već su na moru.
Kak uz prelepo more nazira se svitanje zore.
Kak na moru sunce prži pa i dan mora biti još duži.
Vruče mi je kak da sem v peći.
I moj se sladoled topi kak vosak v sveči.
Iz mora misli mi se v stvarnost vrnu.
Mama veli:“Kad dojdeš iz škole doma čeka te kup sena. „
Polak duga posla u rano večer sva sam snena.
Ipak je škola bila lepša neg ova posla.

Hrvoje Ivančić

4. razred, OŠ Veliki Bukovec

Voditeljica: Štefanija Šarec

Vreme, vreme...

Kakvo je to vreme došlo?

Si se samo žuriju,
nigdar nišće časa nema!

Negda su se ljudi s kravicama

ili s kobilom vozili
i nikam nesu zakesnili.

Deca su pešice v školu hodila
po dežđu i po zimi.

Bosa su se po trovi igrala,
a bole su od nas zdrava bila.

Bolesnika su po snegu
v sanjkama k doktoru vozili,
a ve moramo jako nakuriti v autu
kaj se nej prehladili.

Hižice su male meli i si su v jedni sobi spoli.
V drvenem škafu su se kupali i ništ nesu prigovarali.

Vezda sega imamo,
samo mera i zadovoljstva nemamo!

Kakvo je to vreme došlo?



Ilustracija: Julija König

Juraj Trumbetašić

3. razred, OŠ Ivana Grandje, Soblinec

Voditeljica: Vesna Martinuš

Srce mi luplje

Srce mi luplje
v tijelu mom.
Tam raste kak i moja ljubav.
Srce mi luplje.
Se zmisliš kad sem ti rekel
da te imam rad?
I niš!
Zate ti pisme pišem
pak z gumicu brišem.
Dej mi pokaži ej sem ti
od njega draži!
Srce mi luplje.
A ti,
niši mi pokazala,
neg si mi dokazala!

Sabina Flegar

6. razred, OŠ Sračinec

Voditeljica: Mirela Briševac

Hiža na briegu

Mala hiža na briegu stuji.
Drveni ubluoki i lesa stara.
Dvurišće je v cvjetju, se tak liepu zgledi.
Na klimavi klupi dedek s babricum udmara.

Mali stulek, na jemu cukur i kava diši.
Ftič pupievle, klupuetec v trsju galami.
Dedek babricu žaluosnu gledi.
Lieta su prešla, ustali su sami.

Deca su v dauki udišla sviet.
ustavila jih v starinski muki.
nigdar ih nišće ne duojde glet.
Ni vnukima niesu pre ruoki.

Samu hižica stara vierna im ustala.
Spuminek na lieta minula i draga.
Mier i sreču una jim je dala,
prvi i zadji kušlec priek praga.



Ilustracija: Antonio Čanić

Paula Novoselec

6. razred, OŠ Petrijanec

Voditeljica: Željka Rabuzin

Dravski šepet

Šumi i škripi
pod nogami na puotu.
Sonce greje,
a šuder kak Drava plavi.
Žuoto cvetje diši.
Šečem polek vode i v šetnji šepčem...
Šššššššššššš, tak Drava šumi!
Pitam se i čudim,
kak je moje selo veliku?
Polek rieke raste, budi se i zaspi.
Šššššššššššš, tak Drava šumi!
Pesi lajedu, na turnu zvoni,
nešči zeše, a nešči još spi,
kraj Drave rastemu i si mi.
Šššššššššššš, tak Drava šumi!
Šuma je kak zelenu morje,
nebo je plavu dvurišče
kojemu Drava beži,
tam de se bumо jemput zišli si.
Šečem se, smejem i šepčem.
Šuma mi maše, šuder škripi, Drava šumi...

Sara Minđek

7. razred, OŠ Vladimira Nazora, Sveti Ilij
Voditeljica: Maja Priher

Tišina

Pak su se svadili.

Ni bilo niti dana da se v hiži mogla čuti
tišina.

Blažena tišina!

Sosedi su se nalukavali
levo pa desno,
desno pa levo.

I čez obloke su gledeli.

Buljili su vu me na vulici.

Soze so mi tekle po obrazima.

Goreče i srameče.

Soze toge i besa.

Ve je sam

tišina.

Da se bar ima ko s kim svaditi.

Prokleta tišina!

Anamarija Kožić

7. razred, OŠ Ksavera Šandora Đalskog, Donja Zelina

Voditeljica: Diana Brcković

Kaj da ti velim

Kaj da ti velim...
V srčeve si mi zašel,
Nigdar me nište ni
Volel kak ti.

Zate bum ti lepe reči
Z duše povedala...
Z biciklinima bumo se pelali,
A najviše smejali.

A kad bu noč dohajala,
Rožu buš mi dal...
Vu kmici, vu megli
Zvezde buju svetlige nad nami...

Gabriela Strelar

8. razred, OŠ Ksavera Šandora Đalskog, Donja Zelina
Voditeljica: Marijana Obad Kopun

Zakaj?

Zakaj je nebe
tak gore visoke?

Zakaj je more
tak jake gliboke?

Zakaj saki čovek
nemre dober biti?

Zakaj se navek negdo
z nekim mora svaditi?

Zakaj sva deca
nemreju sretna biti?

Zakaj vu škole
nemreju petice dobiti?

Zakaj ih starci
navek špotaju
i stalne im knige
na nos revleju?

Zakaj babica
furt krunicu moli
da meni bude
dobre v školi?

Dedek se stalne
nekaj zmišlava:
„Ak se nebuš vučila,
buš se ženila.“

Zate bum knigu
zela v ruke
da konačno rešim
brige i muke.

Si bumo sretni
dok zdravlje nas služi
i zlatne sunce
nad zemlu kruži.

Lovro Erdelji

5. razred, OŠ Jože Horvata, Kotoriba
Voditeljica: Nikolina Fuš Zvošec

Posponi zdenec

Tam gori, na bregu,
vu goricaj,
poljek molje hižice,
bljizu dišečega vrta,
v hlodu, spod črešnje...
Tam vuni, pre katružami,
dedek Pavljek sedi
i svojega storoga zdenca gljedi.

Celji je od drvenih ljetvi,
a ima i molu strehu.
V njegovojo globokoj jami,
v kmici, skrivilje se voda.

Te friške, zdene vode,
dedek se joko dobro zmislji.
Sako jutro ju je gori
vu vedru vljekel
pak se ž njom hmival,
pil i kravice pojil.

V denešnje vreme
voda samo z pipe curi,
a dedekov stori zdenec
v miru, stiha spi.

Vu jesen, po prepreljanoj strehi
navek pono listja nacuri.
Listje ga žegeče,
alji vodica mu se samo
još globokše
vu jamu povleče.

Negda zno na njega
i ftiček doljeteti
i sega ga obljeteti.
Zapopevlje si veselo,
proba ga zbuditi, alji nejde!
Tak je posponi kaj niti
ftičekovu pesmu ne čuje.

Dedek se stal,
ostajl je svoje ljepe spomene
v zmočenome zdencu,
nek si skupaj počivljejo.
Do da?
Što zno?...

Matej Ciganek
3. razred, OŠ Gola, PŠ Otočka
Voditeljica: Sanja Solić

Saki den

Rano se zbudim,
Ptičice popevajo,
Zora sviče,
Krave mučio.
Majka me budi i veli:
„Školu se treba iti!“
Školu sem došel
I vučiti se pošel.
Kak sem školu došel,
Tak sem i otišel.
Domaj na stolu obed me dočekal.
Pečene čurke i kiselo zelje.
Zadaču sem brzo napisal.
Jer treba vu štali japi pomoći.
Teliće sem napojil.
Nuter sem otišel.
Okopal se.
I vu postel zišel.

Ilustracija: Lucija Prečko



Lana Ravenščak

6. razred, IV OŠ Bjelovar

Voditeljica: Jelena Ivezić

V leti je najlepše

V leti,
deca se furt igraju,
odrasli malo već odmaraju.

Familije se vesele
odlasku na morje.

V leto, deca su sretna
ar ni škole, nit zadatkov.
Samo zabava!



Ilustracija: Sabina Rogina

Ella Lešnjak
6. razred, OŠ Vidovec
Voditeljica: Sanja Biškup

Pod orehom

Pod orehom nama deci je
kak pod strehom.
Negda, da smo bili jako mali,
navek smo tam orehe krali.
V podne, da bi dedik spal,
orehe je navek nešči kral.
Z une najvekše grane navek bi nešči opal.
Pod tim orehom su se moj dedik i babica
pogledavali i prvi put kušnuli...
I ve, kak je došlo drugo vrieme,
pod orehom nema mene.
Dendenis oreh sam na vrtu stoji,
i nit sreće, nit ljubavi ne dobi...



Ilustracija: Ella Lešnjak

Anja Hrestak

3. razred, OŠ Antuna Mihanovića, Klanjec, PŠ Lučelnica

Voditeljica: Aleksandra Koleš

Kok su se negdar babica i dedek prali

Vodu su grabili v zdencu.

H velikem loncu na šparhetu

su ju zagreli.

Lonec vode bil je dost

za pet ili šest ljudih.

Vroču vodu su razmutili z mrzluj

h velikem lavuru.

Najpre su si hmili obraz

pa onda prali telo,

a na kraju noge

jer su noge bile

najbolj zmazane.

Tak je jen lavur vode

bil dost za jenega človeka.

Ljudi su bili čisti

i zadovoljni.

Luka Turniški
8. razred, OŠ Oroslavje
Voditeljica: Vesnica Kantoci

Kovid

Gdo je tie kovid zmislij?
Najrajše bi mu jednu oko vuuh stisnul.
Več se preko leto dan mučime,
No živeti z maskami nikak da navčime.

Bomeč to ni normalno
Da smo mu strahu stalno.
Stožer nam same velike brojke hiče,
A kak je nam, to ga se ne tiče.

Ne znaš e bi išel k komu
Ili bi same bil h svojemu domu.
K babice se blizu ne vuščim iti.
Kaj da zbeteža? Neču tužen biti.
Pod tu masku pajdaša ne poznaš
Tek gda prijde bliže, gdoj je doznaš.

Rado bi k letu bez straha h školu išel.
I kakvoj puci malo bliže prišel.
Čez tu masku joj ni kušlec nemrem dati,
Samo joj ga morem prek SMS-a slati.

Gda bu tomu kraja?
Morti ovega maja?
Ili k letu?
Ah, kuliku je tie KOVID več napravil štetu.

Andrea Žnidarec

6. razred, OŠ Đure Prejca, Desinić

Voditeljica: Vedrana Gudek

Dež

Dež pada,
a mi z jenom marelom
v dva smera –
ti v jen, ja v drugi.

Gdo zna či bumo se
igdar
sreli na dežu...

Curi, tak hitro.
Daješ mi marelju i
nastaviš hoditi
vu svojem smeru.

Gledim kak
kaplice padaju
po tvojimi lasi,
al krenem svojim putom.
Zgledi ko da je stvarno.

Morti i postane stvarnost jenega dena...

Ines Budek
6. razred, OŠ Vugrovec-Kašina
Voditeljica: Dijana Požgaj

Je li kesne

Je li kesne, je li kesne?
U pandemiju još sam kaj
opet nismo vušli,
a jedinice se gomilaju kakti vuši.

Je li kesne da to još ispravim i
da se materi onda dimom pohvalim?
Ma si bi sretni bili kad bi
mene ovakvu s peticama vidili.

Je li kesne, je li kesne,
da na produžnu nemoram iti?
Pa da se z prijatelima morem zabaviti.
Ma već je polako kesne...

Več je polako kesne,
kulike ja vidim.
A kak da se mene uopće pita....
Mislim da bu mi knjiga bila
najbolši prijatel ovog celog ljeta.

Kazalo autora likovnih priloga u zbirci

str.

19	Ena Karabojev, 6. razred, OŠ Domašinec Voditeljica: Emina Kefelja
20	Dina Borček, 7. razred, OŠ Ljubeščica Voditeljica: Mateja Ratković
24	Jana Novak, 7. razred, OŠ Sveti Đurđ Voditeljica: Sonja Đurkin
29	Ida Jelušić, 3. razred, PŠ Kolarec Voditeljica: Dušanka Kos
32	Dunja Potočić, 6. razred, OŠ Krunoslava Kutena, Vrbovec Voditeljica: Zora Ilić
35	Tena Jančec, 6. razred, OŠ Domašinec Voditeljica: Emina Kefelja
38	Lara Borović, 6. razred, OŠ Sveti Đurđ Voditeljica: Sonja Đurkin
40	Mirna Horvatić, 7. razred, OŠ Ljubeščica Voditeljica: Mateja Ratković
45	Elena Meštrović, 2. razred, OŠ Dragutina Domjanića, Sv. I. Zelina Voditeljica: Vesna Bego
46	Petra Šeketa, 2. razred, PŠ Desinec Voditeljica: Snježana Dugić
51	Samuel Žegman, 1. razred, PŠ Adamovec Voditeljica: Ankica Dmejhal
57	Nika Žunić, 2. razred, PŠ Desinec Voditeljica: Snježana Dugić
58	Lana Jakopic, 8. razred, PŠ Rakovac Voditeljica: Zora Ilić
60	Filipa Naimkadić, 7. razred, OŠ Krunoslava Kutena, Vrbovec Voditeljica: Zora Ilić
63	Paula Novoselec, 7. razred, OŠ Petrijanec Voditeljica: Željka Rabuzin
65	Jan Salopek, 3. razred, OŠ Mahično Voditeljica: Katarina Kranjčec

str.

- 67 Lukas Marković, 2. razred, OŠ Dragutina Domjanića, Sv. I. Zelina
Voditeljica: Lucija Lisičak
-
- 68 Mara Nikolac, 1. razred, OŠ Dragutina Domjanića, Sv. I. Zelina
Voditeljica: Lucija Lisičak
-
- 71 Erin Lukač, 7. razred, OŠ Ljubeščica
Voditeljica: Mateja Ratković
-
- 79 Julija König, 4. razred, OŠ Ante Kovačića, Marija Gorica
Voditeljica: Sara Krivski
-
- 81 Antonio Čamić, 6. razred, OŠ Novi Marof
Voditeljica: Ivana Gabričević
-
- 89 Lucija Prečko, 1. razred, PŠ Otočka
Voditeljica: Sanja Solić
-
- 90 Sabina Rogina, 6. razred, OŠ Vidovec
Voditeljica: Iva Šarić
-
- 91 Ella Lešnjak, 7. razred, OŠ Vidovec
Voditeljica: Iva Šarić
-

Naslovnica:

- Julija Vinceković, 7. razred, OŠ Petrijanec
Voditeljica: Željka Rabuzin
-

*Osnovne škole koje su sudjelovale na natječaju**

- 1 OŠ Gola
 - 2 OŠ Sidonije Rubido Erdödy, Gornja Rijeka, PŠ Kolarec
 - 3 OŠ "Petar Zrinski", Šenkovec, PŠ Mačkovec
 - 4 OŠ Gornji Mihaljevec
 - 5 OŠ Ivana Grandje, Soblinec, PŠ Adamovec
 - 6 OŠ "Petar Zrinski", Šenkovec
 - 7 OŠ Krunoslava Kutena, Vrbovec, PŠ Rakovec
 - 8 OŠ Ivana Perkovca, Šenkovec
 - 9 OŠ "Petar Zrinski", Čabar, PŠ Tršće
 - 10 OŠ Krapinske Toplice
 - 11 OŠ Milana Langa, Bregana
 - 12 OŠ Sveti Križ Začretje
 - 13 OŠ Ludbreg
 - 14 OŠ Domašinec, PŠ Florijana Andrašeca, Dekanovec
 - 15 OŠ Novi Marof
 - 16 OŠ Sveti Đurđ
 - 17 OŠ Bedekovčina
 - 18 OŠ "Petar Zrinski", Čabar
 - 19 OŠ Krunoslava Kutena, Vrbovec, PŠ Banovo
 - 20 OŠ Dragutina Tadijanovića, Zagreb
 - 21 OŠ Antuna Mihanovića, Klanjec
-

-
- 22 OŠ Dragutina Domjanića, Sveti Ivan Zelina, PŠ Komin
-
- 23 OŠ Dragutina Domjanića, Sveti Ivan Zelina, PŠ Prepolno
-
- 24 OŠ Visoko
-
- 25 OŠ Ante Kovačića, Marija Gorica
-
- 26 OŠ Ksavera Šandora Đalskog, Donja Zelina, PŠ Nespeš
-
- 27 OŠ Tomaša Goričanca, Mala Subotica
-
- 28 OŠ "Ljudevit Gaj", Krapina
-
- 29 OŠ Rudolfa Strohala, Lokve
-
- 30 OŠ Ivana Kukuljevića Sakcinskog, Ivanec, PŠ Tina Ujevića, Salinovec
-
- 31 OŠ "Petar Zrinski", Čabar, PŠ Plešće
-
- 32 OŠ "Ljubo Babić", Jastrebarsko, PŠ Desinec
-
- 33 OŠ "Petar Zrinski", Čabar, PŠ Prezid
-
- 34 OŠ Molve
-
- 35 OŠ "Slava Raškaj", Ozalj, PŠ Mali Erjavec
-
- 36 OŠ Štrigova, PŠ Železna Gora
-
- 37 OŠ Sveti Petar Orehovec, PŠ Fodrovac
-
- 38 OŠ Sveti Petar Orehovec, PŠ Bočkovec
-
- 39 OŠ Donja Stubica
-
- 40 OŠ "Petar Zrinski", Čabar, PŠ Gerovo
-
- 41 OŠ Dragutina Domjanića, Sveti Ivan Zelina
-
- 42 OŠ Ljubešćica
-

-
- 43 OŠ Marija Bistrica
-
- 44 OŠ Breznički Hum
-
- 45 OŠ Stjepana Radića, Božjakovina
-
- 46 OŠ Marije Jurić Zagorke, Vrbovec
-
- 47 OŠ Mahično
-
- 48 OŠ Veliki Bukovec
-
- 49 OŠ Ivana Grandje, Soblinec
-
- 50 OŠ Sračinec
-
- 51 OŠ Petrijanec
-
- 52 OŠ Vladimira Nazora, Sveti Ilijा
-
- 53 OŠ Ksavera Šandora Đalskog, Donja Zelina
-
- 54 OŠ Jože Horvata, Kotoriba
-
- 55 OŠ Gola, PŠ Otočka
-
- 56 IV OŠ Bjelovar
-
- 57 OŠ Vidovec
-
- 58 OŠ Antuna Mihanovića, Klanjec, PŠ Lučelnica
-
- 59 OŠ Oroslavje
-
- 60 OŠ Đure Prejca, Desinić
-
- 61 OŠ Vugrovec-Kašina
-



Pučko
otvoreno učilište
Sveti Ivan Zelina

ISBN 978-953-6540-94-5

9 789536 540945